

- D. der Sig<sup>r</sup>: Sebastian Venier  
 E. der Sig<sup>r</sup>: Marc' Antonio Colonna } beide General.  
 F. der Sirocco, so an das Gestadt zuweichen begert / der ist bey  
 G. von dem Sig<sup>r</sup>: Augustin Barbarigo mit grossen Ernst angegriffen  
 worden: Also das fast des Sirocco ganze Armata zu grund ge-  
 schossen / erschlagen / vnd verbrenndt ist worden / vnter dessen vnd  
 bey  
 H. thete der Sig<sup>r</sup>: Giovanni Andrea Doria mit dem Metelino, vnd Oc-  
 chiali bey  
 L. ein starckes treffen anfangen / darüber der Christen auch viel geblit-  
 ben / doch erhielt der Sig<sup>r</sup>: Doria die Victoria, vnd thete bey  
 M. der Occhiali mit. 40. Vasselli endtrimmen.  
 K. allda der Sig<sup>r</sup>: General di Malta mit dem Caracoza bey  
 I. ein ernstlichs Treffen gehalten / der hat endlich den Caracoza auch  
 überwunden. Wie aber sonst die versunkene vnd verbrunnene  
 Vasselli ein abschewliches Aussehen gehabt haben / das gibt er-  
 nantes Kupfferblatt mit mehrern zuerkennen.  
 Nach diser Gloriosen Victoria namen die Christen den besten Raub  
 mit / vnd begaben sich in den Porto Petala, auch in die andere na-  
 hend darben gelegene Meerhäfen. Man hate aber ein gute Zeit  
 zuthun / die beschedigte Christen zu curiren, vnd die zersezte Ga-  
 leen, vnd Schiff widerumben zuslicken. Vnd dis ist der furke /  
 doch eigentliche Verlauff diser grossen Meerschlacht / dergleichen  
 von Cæsare Augusto Zeit an / bis auff gegenwertige nie ist ge-  
 hört / noch gesehen worden. In diesem Treffen aber haben die Chris-  
 ten auch nit geringen Schaden erlitten / vnd derer wie her-  
 nach soll specificiert werden / bis in die. 7656. vmb  
 ihr Leben kommen.



Folgt